

www.BibleForChildren.org

Mateo 8



Wasino mekatalluwa aw, aneno kasar sey Cana a tata a lubbunna Galilea. Ana sinayino ina i Jesus, e naayangkappayi Jesus andino adalannera.



Wasin naambutinnino tayug, sinapitino ina i Jesus sikwana si, "Naambutinnino tayuwa inumanda."
E sinapitino inana sino kaduffunandera sinay si,
"Akwandaw massiki sanneno pakwana sikwayu."



E kunni Jesus sino kaduffunandera si,
"Pannundawino angangira si danum." E
pinannura amminino angang. Sinapikkappayi
Jesus sikwara si, "Maggauggayu takesi
iyandaw sino makammu sino kasaran."
Antuweno inangwara, ...



... e nabbaliyen si
tayuwino danum, e
sininsimanino
makammu.



Gafu se ammena ammuweno naggabwatanino nalawara tayug, se ino pelang kaduffunandereno nakaammu, nepaayangngeno lalakiya makkasar, e sinapi'na sikwana si, "Sannera yaw, se gagangayino tolayira a iyuntara a iyannayino nalawara tayug, takesi nanu nakaodduwerana ninum, kasera ilawanino narakkatta tayug."



"Udde ikka, tangananino
inangwam se
nangambutannuwa
nelawanino
kalalawaran."




Inaya inangwa i Jesus sey Cana a
tata a lubbunna Galilea, antuweno
palunguwa kakka'bawa
inangwana a mangipaita
sino pannakadamana. E
nanguruwino adalannera
sikwana.



Wasin tata si aw, inangngi Jesus sino
balera Pedro, e initaneno katuwangani
Pedro a bafaya aggaidda se
mababannag.



Inappanganneno kamattino bafay, e kaka'meng kelanga naariyeno babannangnga. Ginabwat e pinakkanna i Jesus.



Wasin sumallappinnino sinag, neyanda ki Jesusino
amminira a matakit andino naassaddanira.


Nakkakarapat
amminino tolayira
sinaya lubbun sino
lasinneno balaya
agyanani Jesus.



Odduweno nepabbattunoyi Jesus a matakit, massiki naddadarumeno taki'da, e oddu ke ino nepaanona a narakkatta espirituwa inassad sino tolayira, udde nepasina'ngera, se ammura si antuweno Abbingi Dios.



Amminino nagyaniira sinay, anggandangkenadda appangan, se aneno pannakadama sikwana a mappabattunoy si takit. E nepabbattunoynera ammin.



E nakkakampattira sinay makkiyad si awaninna
pagyananino korwanira, massiki sino lamwangan.
Wasin manulduwi Jesus sino sapiti Dios sikwara,
aneno ginamwangira a appata lallakiya nabbolig si
tolaya paralitiku.



Udde ammera dama a
meara'ni ki Jesus gafu
sino kaodduweno
tolayira.



Antu gafuna, neune'da sino atap,
e inabbutandeno ata'meno
batuwi Jesus, kasera
nepatabbafeno tolaya
paralitikuwa aggaidda
sino bolig.




Wasin inita i Jesusino
annala'da sikwana, sinapi'na
sino paralitiku si, "Kolak,
napakomaninnino liwa'nu."
E sinapi'na sino
paralitiku si,
"Gumabwakka,
appannu yan
iddam, ta
umanokan."



Wasinoy, natakayi Jesus andino adalannera
si abang e ginikkatira. Nada'nganira
si kalipappag sino tangngana
bebay, e lumannannaddino
abanda gafu sino palunga
medaladaluyak sikwara.
Udde i Jesus,
aggakaturug.



Wasinoy, "Mayan mattalokayu? Mayan kurang
kepayino annala'daw sikwak?" kunna. Ginabwat e
nepassiyana'ngeno kalipappag andino palung, e
nassiyanakiran. Nakka'bawirangke ammin,
e sinapi'da si, "Sanneno katolena
yaw? Massiki ino
kalipappag andino
palung, kuruwandeno
sapitanna."



Gafu se nappelalotino agganggamm
Dios sino tolayira sito lubag,
dinundunnenno tatatata ke a Abbingnga
a matay, takesi ammina mangurug
sikwana, ammera makastigu,
nu ammera lud maa'dan
si biyaya
mannayun.



Roma 3:23 Se awana tolay si ammena nalliwat, e aroyuwengkeno kinalawari Dios sino kinalawadda.

Roma 6:23 Se ino liwat, tandananneno aripannera, e ino tandanda, ino katayana awana pakkiyaranna. Udde i Dios, rigalu pelangino iya' dana, e antuweno biyaya mannayun gafu sino kesapatantam ki Kristo Jesus a Afutam.

Hebreo 9:27 Amminetama tolay, maawag si mamittetangke a matay, kaseretam ukumanni Dios.

Efeso 2:8,9 Se ino allakki Dios ino gafuna a nesalakanetam gafu sino nanguruwantam ki Kristo. Bakkanna gafu sino inangwatam, nu ammena lud naggabwat ki Dios. Kunnantu, ammetam dama a massangeleta massapit si ino kesalakantam, gafu sino nalawara aggangwatam.



Roma 10:9,10 Se nu sapitannu si i Jesusino gakkuruwa Afu anna nu kuruwannungke si nepangngangoliyi Dios sino natayanna, antuweno kesalakannu. Se nu manguruwetam ki Kristo e ipakaammutamino kinuruddam si korwana tolay, ibilandetami Dios si naggaddang e mesalakanetam.

Juan 3:16,17 Gafu se nappelalotino agganggammi Dios sino tolayira sito lubag, dinundunnenno tatatata ke a Abbingnga a matay, takesi ammina mangurug sikwana, ammera makastigu, nu ammera lud maa' dan si biyaya mannayun. Se amme dinunduni Diosino Abbingnga sito lubag ta kastigunnenno tolayira, nu ammena lud ta isala' ngera.



1 Juan 5:11-13 Antuyawino sinapi ' na: na ' dandetam si
biyaya mannayun, e ino Abbinggeno paggabwatanna.
Kunnantu, ino tolaya nesapat sino Abbingi Dios, ana
sikwaneno biyaya mannayun, udde ino ammena nesapat
sino Abbingnga, ammena naa ' dan sinaya biyag.
Neturakkuwera yaw sikwayuwa mangurug sino Abbingi
Dios kesi ammundawingke si wara sikwayuweno
biyaya mannayun.



Mateo 8-9; Marcos 1-2, 4; Lucas 4, 8; Juan 2

Storyline by: Edward D. Hughes

Illustrated by: Byron Unger, Lazarus
and Alastair Paterson

Adapted by: E. Frischbutter; Sarah S.

Ga'dang Bible (gdg) © Wycliffe Bible Translators, Inc.
All rights reserved

<https://www.bible.com/bible/1436/MAT.1>

©2024 Bible for Children, Inc.

www.M1914.org

www.bibleforchildren.org

